

O'ZBEKISTON RESPUBLIKASI PREZIDENTINING  
QARORI

**O'ZBEKISTON RESPUBLIKASI DAVLAT GEOLOGIYA VA MINERAL RESURLAR QO'MITASI  
TIZIMIDAGI GEOLOGIYA FANLARI UNIVERSITETI FAOLIYATINI YANADA TAKOMILLASHTIRISH  
CHORA-TADBIRLARI TO'G'RISIDA**

Geologiya sohasidagi ilmiy tadqiqotlar natijalarini amaliyotga joriy etish, o'qitishning zamonaviy uslublaridan keng foydalanish, geologiya sohasida yuqori malakali kadrlar tayyorlash tizimini tubdan takomillashtirish, shuningdek, geologiya sohasida ta'lim, ilm-fan va amaliyot o'rtasida uzviy bog'liqlikni yetarli darajada ta'minlash, yer haqidagi fanlar, shu jumladan ularning fundamental yo'nalishlari hamda amaliyot o'rtasida real integratsiyalashuv jarayoni uchun qulay shart-sharoitlar yaratish maqsadida:

1. Davlat geologiya va mineral resurslar qo'mitasi (keyingi o'rinlarda — Davlat geologiya qo'mitasi) tizimidagi Geologiya fanlari universiteti (keyingi o'rinlarda — Universitet) geologiya sohasida ta'lim, ilm-fan va amaliyot integratsiyasini ta'minlovchi ilmiy klaster hamda malakali kadrlar tayyorlash va ilmiy-tadqiqot ishlarini muvofiqlashtirish bo'yicha respublikaning tayanch oliy ta'lim muassasasi etib belgilansin.

2. Quyidagilar:

2022 — 2024-yillarda Geologiya fanlari universitetini rivojlantirish dasturi [1-ilovaga](#) muvofiq;

Geologiya fanlari universiteti ixtisoslashgan kafedralari talabalarini amaliyot o'tash obyektlariga biriktirish jadvali [2-ilovaga](#) muvofiq;

Geologiya fanlari universiteti uchun xarid qilinadigan zamonaviy laboratoriya va texnologik uskunarlar ro'yxati [3-ilovaga](#) muvofiq;

Neft va gaz geologiyasi yo'nalishida amalga oshiriladigan maqsadli ilmiy loyihalar ro'yxati [4-  
ilovaga](#) muvofiq tasdiqlansin.

3. Belgilab qo'yilsinki:

Universitetdagi o'quv jarayonining 70 foizi ilmiy-amaliy mashg'ulotlarga ajratiladi;

Universitetning ixtisoslashgan kafedralari talabalarining amaliyot o'tash jarayoni zarur shart-sharoitlar yaratilgan holda mazkur qarorning [2-ilovasida](#) nazarda tutilgan tashkilotlar bilan birgalikda olib boriladi;

yirik geologiya-qidiruv ekspeditsiyalari va sanoat tashkilotlariga amaliyot o'tash uchun yuborilgan talabalarning yashash xarajatlari (ovqatlanish, yotoqxon) ushbu tashkilotlar hisobidan qoplanadi, bundan Toshkent shahrida va talaba doimiy yashaydigan tuman (shahar)da joylashgan tashkilotlar mustasno.

4. Davlat geologiya qo'mitasi hamda Oliy va o'rta maxsus ta'lim vazirligi:

2022-yil 1-iyulga qadar Universitetning Kuzatuv kengashi qarori bilan sanoatda ahamiyati yuqori bo'lgan noyob va rangli metallarga boy bo'lgan istiqbolli maydonlarni aniqlash bo'yicha ilmiy-tadqiqot ishlarini amalga oshirish yuzasidan chora-tadbirlar rejasini ishlab chiqib tasdiqlashni ta'minlasin;

2022 — 2024-yillarda Geologiya fanlari universitetini rivojlantirish dasturida belgilangan vazifalarning o'z vaqtida va sifatli bajarilishini qat'iy nazoratga olsin hamda samarali monitoringini yo'lga qo'ysin;

2022-yildan boshlab Universitet professor-o'qituvchilarining tizimli ravishda nufuzli xorijiy oliy ta'lim va ilmiy tashkilotlarda zamonaviy ta'lim usullari asosida malakasini oshirish choralarini ko'rsin;

2022-yil 1-sentabrga qadar Universitet faoliyatiga oid ilmiy-texnik jurnal chop etilishini yo'lga qo'ysin;

2022/2023 o'quv yilidan boshlab Universitet faoliyatida "Raqamli Universitet" tizimini bosqichma-bosqich joriy etsin;

2023-yildan boshlab ehtiyoj yuqori bo'lgan mutaxassisliklar bo'yicha Universitet tadqiqotchilari va ilmiy xodimlarini xorijiy yetakchi universitet va ilmiy tashkilotlarga ilmiy-tadqiqot ishlarini amalga oshirish uchun yuborishni yo'lga qo'ysin;

2023-yil 1-yanvardan boshlab Universitetda geologiya sohasi va konchilik sanoati muammolarini ilmiy asosda tahlil qilish, tahlil natijalarini xalqaro darajada amalga oshirilayotgan ilmiy izlanishlar bilan integratsiya qilish va SsiVal platformasini keng joriy etish asosida ilmiy va innovatsion faoliyatni yo'lga qo'ysin;

2023/2024 o'quv yilidan boshlab Rossiya Federatsiyasi va boshqa xorijiy davlatlarning ilmiy tashkilotlari va yetakchi geologiya-qidiruv kompaniyalarida Universitet talabalarining ishlab chiqarish amaliyoti o'tashini yo'lga qo'ysin.

#### 5. Quyidagilar:

Oliy va o'rta maxsus ta'lim vazirligi, Davlat geologiya qo'mitasi, Surxondaryo viloyati hokimligi bir oy muddatda Termiz davlat universitetining Surxondaryo viloyati Boysun tumanida joylashgan 10,3 gektar yer maydonidan iborat Darband dala-o'quv poligonini hududning geologik tuzilishi, tog' jinslarining litologik va tuzilmaviy shart-sharoitlaridan maqsadli foydalanish uchun Universitetga doimiy foydalanish huquqi asosida;

Toshkent viloyati hokimligi bir oy muddatda Oqsoq-ota dala-o'quv poligonining g'arbiy qismidan 2,7 gektar yer maydonini Universitetga doimiy foydalanish huquqi asosida ajratsin.

6. Axborot va ommaviy kommunikatsiyalar agentligi Axborot texnologiyalari va kommunikatsiyalarini rivojlantirish vazirligi bilan birgalikda ikki oy muddatda Universitet axborot-resurs markazining Alisher Navoiy nomidagi O'zbekiston Milliy kutubxonasi elektron axborot-kutubxona resursiga barcha xizmat turlaridan bepul foydalanish huquqi asosida ulanishini ta'minlasin.

#### 7. Davlat geologiya qo'mitasi:

Surxondaryo viloyatidagi Darband va Toshkent viloyatidagi Oqsoq-ota dala-o'quv poligonlarida 2022/2023 o'quv yilidan boshlab Universitet talabalarining o'quv amaliyotini tashkil etish uchun zarur sharoitlar yaratish va tegishli hududlarni obodonlashtirish choralarini ko'rsin;

Oliy va o'rta maxsus ta'lim vazirligi, Moliya vazirligi, Davlat aktivlarini boshqarish agentligi va Toshkent shahar hokimligi bilan birgalikda 2022-yil yakuniga qadar Universitet huzurida akademik litsey tashkil etish yuzasidan asoslantirilgan takliflarni ishlab chiqsin va Vazirlar Mahkamasiga kiritsin.

8. Mazkur qarorning ijrosini samarali tashkil qilishga mas'ul va shaxsiy javobgar etib Davlat geologiya va mineral resurslar qo'mitasi raisi B.F. Islamov belgilansin.

Qaror ijrosini har chorakda muhokama qilib borish, ijro uchun mas'ul idoralar faoliyatini muvofiqlashtirish va nazorat qilish Bosh vazir o'rinbosari J.A. Qo'chqorov zimmasiga yuklansin.

Amalga oshirilayotgan chora-tadbirlar natijadorligi yuzasidan har chorak yakunida O'zbekiston Respublikasi Prezidentiga axborot kiritib borilsin.

**O'zbekiston Respublikasi Prezidenti Sh. MIRZIYOYEV**

Toshkent sh.,  
2022-yil 2-mart,  
PQ-154-son

O'zbekiston Respublikasi  
Prezidentining 2022-yil 2-martdagi  
PQ-154-son qaroriga  
1-ILOVA

## 2022 — 2024-yillarda Geologiya fanlari universitetini rivojlantirish

### DASTURI

T/r	Chora-tadbirlar	Amalga oshirish mexanizmi	Ijro muddati	Moliyalashtirish manbalari	Mas'ul ijrochilar
<b>I. O'quv jarayonini takomillashtirish</b>					

1.	Iqtisodiyot tarmoqlari va mehnat bozori talablariga muvofiq holda o'quv yuklamalari hajmini optimallashtirish, kompetensiyaviy yondashuv ta'minlanganini nazarda tutuvchi yangi o'quv rejasi va fan dasturlarini yaratish.	<p>1. Universitet ta'lim yo'nalishlari bo'yicha o'quv rejasi va fan dasturlarini ishlab chiqish yuzasidan ishchi guruhlar tuzish.</p> <p>2. Ishlab chiqilgan o'quv rejasi va fan dasturlarida o'quv dasturlari hajmining 70 foizini amaliyotga asoslangan tartibda tasdiqlash.</p> <p>3. O'quv jarayoniga geologiya tarmog'i ilmiy-tadqiqot markazlarining yetuk mutaxassislarini jalb etish, ularning pedagogik mahoratini oshirish bo'yicha qisqa muddatli o'quv kurslari tashkil etish.</p> <p>4. Tasdiqlangan o'quv rejasi va fan dasturlarini o'quv jarayoniga joriy etish.</p> <p>5. Yangi o'quv rejasi joriy qilingan akademik guruhlarda, kafedralar yig'ilishlari, fakultet va Universitet kengashlarida buyurtmachi tashkilotlar, talabalar amaliyot o'tashini ta'minlagan tashkilotlar ishtirokida bitiruvchilar erishgan kasb malakalaridan kelib chiqib tanqidiy tahlil o'tkazish, o'quv rejasi va fan dasturlarini zamon talablari asosida takomillashtirish hamda o'quv jarayoniga joriy etish.</p>	<p>2022-yil mart</p> <p>2022-yil aprel</p> <p>2022/2023 o'quv yilidan</p> <p>2022/2023 o'quv yilidan</p> <p>2023/2024 o'quv yili yakuniga ko'ra</p>	-	<p>Geologiya fanlari universiteti</p> <p>(B. Islamov),</p> <p>Oliy va o'rta maxsus ta'lim vazirligi</p> <p>(A. Toshkulov)</p>
2.	M.V. Lomonosov nomidagi Moskva davlat universiteti bilan xalqaro hamkorlik doirasida bakalavrlar tayyorlash.	<p>1. M.V. Lomonosov nomidagi Moskva davlat universiteti bilan hamkorlik doirasida 2022/2023 o'quv yilidan boshlab faoliyat ko'rsatishi belgilangan 2+2 ikki diplomli qo'shma ta'lim dasturi uchun zarur o'quv-uslubiy va boshqa hujjatlarni tayyorlash.</p> <p>2. Ikki diplomli 2+2 qo'shma ta'lim dasturi, qabul kvotalari, qabul qoidalari, qabul muddatlari va boshqa zarur ma'lumotlar bilan respublika umumta'lim muassasalari bitiruvchi o'quvchilarini batafsil tanishtirish.</p> <p>3. Belgilangan tartibda iqtidorli yoshlarni tanlash va talabalikka qabul qilish.</p> <p>4. Talabalarni Rossiya Federatsiyasining geologiya tashkilotlarida amaliyot o'tashini tashkillashtirish.</p> <p>5. O'quv, ilmiy, tarbiya jarayonini muntazam monitoring qilish, Universitet ilmiy kengashida tahlil qilish, takomillashtirish yuzasidan aniq samarali choralar belgilash va amalga oshirish.</p>	<p>2022-yil mart</p> <p>2022-yil mart</p> <p>2022-yil may-iyun</p> <p>2023-yildan boshlab</p> <p>Muntazam ravishda (har o'quv yilida ikki marta)</p>	To'lov-kontrakt asosida	<p>Geologiya fanlari universiteti</p> <p>(B. Islamov)</p>

3.	Universitetda kafedralar tizimini takomillashtirish.	1. Tarmoq sohasidagi mutaxassislardan iborat ishchi guruh tashkil qilish.	2022-yil mart	-	Geologiya fanlari universiteti <i>(O. Qodirov),</i> Davlat geologiya qo'mitasi <i>(Sh. Alimov)</i>
		2. Ishchi guruh tomonidan universitetda, iqtisodiyot tarmoqlarida va hududlarda yangidan faoliyat ko'rsatishi zarur bo'lgan kafedralar va ularning filiallari ro'yxatini shakllantirish hamda asoslash.	2022-yil mart		
		3. Kafedralar faoliyat ko'rsatishini boshlash muddatlarini belgilash.	2022/2023 o'quv yili		
		4. Kafedralarni belgilangan muddatlarda o'quv-uslubiy va boshqa hujjatlar bilan ta'minlash.	2022-yil iyun		
		5. Kafedralarda professor-o'qituvchilar tarkibini shakllantirish hamda kafedralar faoliyatini to'laqonli yo'lga qo'yish.	2023-yil avgust		

## II. Tashkilotlar bazasida amaliyotni tashkil etish

4.	Talabalarda amaliy va ishlab chiqarish ko'nikmalarini shakllantirishda ish beruvchi tashkilotlarning ishtirokini oshirish va mas'uliyatini belgilash.	1. Universitet talabalarining amaliyotini tashkil etish bo'yicha amaliyot o'tash obyektlari — ish beruvchi tashkilotlar to'g'risidagi ma'lumotlar bazasini shakllantirish.	2022-yil mart	-	Geologiya fanlari universiteti <i>(B. Islamov),</i> "Navoiy KMK" AJ <i>(Q. Sanaqulov),</i> "Olmaliq KMK" AJ <i>(A. Xursanov),</i> "Zbekneftgaz" AJ <i>(M. Abdullayev),</i> Davlat geologiya qo'mitasi tizimidagi tashkilotlar rahbarlari
		2. Zamonaviy texnika va texnologiyalarni joriy etgan yetakchi tashkilotlar bilan talabalarining amaliyot o'tashi bo'yicha o'zaro hamkorlik shartnomalarini tuzishda, ish beruvchi tashkilotlarning talabalarda amaliy va ishlab chiqarish ko'nikmalarini shakllantirish bo'yicha majburiyatlarini e'tiborga olish.	2022-yil mart-aprel		
		3. Buyurtmachi tashkilotlar tomonidan muntazam "Bo'sh ish o'rinlari" yarmarkalarini o'tkazish.	Yiliga 2-marta		
5.	Talabalar amaliyoti biriktirilgan tashkilotlar bazasida samarali tashkil etilishini ta'minlash.	Talabalar amaliyotini tashkilotlar bazasida o'tkazish, amaliyotni zarur jihoz va texnikalar, transport vositalari, talabalar yashash sharoitlari bilan ta'minlash.	2022/2023 o'quv yilidan boshlab	Amaliyotga biriktirilgan tashkilotlar mablag'lari doirasida	Amaliyotga biriktirilgan tashkilotlar rahbarlari
6.	Iqtisodiyot tarmoqlari va respublikaning ijtimoiy-iqtisodiy rivojlanish istiqbollari hamda talablariga muvofiq talabalarining sohaga intilish va qiziqishlarini rivojlantirish.	1. Amaliyot o'tash dasturini tanqidiy tahlil qilish, takomillashtirish va o'quv jarayoniga joriy etish.	2022-yil mart	Amaliyotga biriktirilgan tashkilotlar mablag'lari doirasida	Geologiya fanlari universiteti <i>(B. Islamov),</i> Amaliyotga biriktirilgan tashkilotlar rahbarlari

		2. Talabalar amaliyoti uchun mas'ul tashkilotlar tomonidan iqtidorli talabalarga istiqbolda o'z ish o'rinlarini topishda ko'maklashish maqsadida amaliyot davrida ularni mavsumiy ishlarga jalb qilgan holda keyinchalik ishga qabul qilish imkoniyatini ko'rib chiqish va yo'lga qo'yish.	2022/2023 o'quv yilidan boshlab, muntazam ravishda		
--	--	--	--	--	--

### III. Ilmiy-tadqiqot va innovatsiyani rivojlantirish

7.	Xalqaro (shu jumladan, hamkorlikdagi) ilmiy-tadqiqot grant loyihalarini amalga oshirish.	1. Xorijiy davlatlar oliy ta'lim va ilmiy muassasalari bilan aloqalar o'rnatish, qo'shma konferensiyalar, simpoziumlar, seminarlar tashkil etish bo'yicha kelishuvlarga erishish.	Har yili 20-sentabrga qadar	Innovatsion rivojlanish vazirligi, xalqaro grantlar va xorijiy hamkorlarning mablag'lari	Davlat geologiya qo'mitasi  (A. Qodirxo'jayev),  Geologiya fanlari universiteti  (M. Isoqov)
		2. Xalqaro aloqalarni yo'lga qo'yish va ilmiy ishlarni tashkil etish bo'yicha takliflar tayyorlash va dasturini tasdiqlash hamda o'z faoliyati yo'nalishidagi ishlarni tashkil etish.	Har yili 30-sentabrga qadar		
		3. Sohaga ilg'or ilmiy-tadqiqot ishlanmalarini joriy etish maqsadida Geologiya fanlari universiteti va Janubiy Koreyaning tajribaga ega ixtisoslashgan kompaniyalari bilan hamkorlikni amalga oshirish hamda ushbu ishlarga Toshkent shahridagi Italiyaning Piza universiteti filialini jalb qilish.	2022-yil mart		
		4. Barcha ilmiy-tadqiqot ishlari, loyihalar va grantlarning bajarilishini tizimli monitoring qilish.	Har chorakda		
8.	Respublika mineral xomashyo bazasini kengaytirishga qaratilgan davlat ilmiy dasturlari doirasidagi ilmiy loyihalarni amalga oshirish.	1. Geologiya fanlariga oid muammolarning ilmiy yechimiga qaratilgan ilmiy loyihalar tanlovini e'lon qilish uchun takliflarni (mavzu loyahasini) shakllantirish.	Har yili oktyabr oyida	Davlat ilmiy dasturiga ajratilgan mablag'lar	Innovatsion rivojlanish vazirligi  (A. Abduraxmonov),  Davlat geologiya qo'mitasi  (A. Qodirxo'jayev),  Geologiya fanlari universiteti
		2. Ilmiy loyihalar tanlovini e'lon qilish.	Har yili noyabr oyida		
		3. Tanlov natijalariga ko'ra loyihalarni moliyalashtirish.	Har yili fevral oyidan boshlab		

(M. Isoqov)

9.	Respublika va xalqaro ilmiy-amaliy	1. Geologiya fanlari universiteti negizida geologiya, mineralogiya, tog'	Har yili iyun oyida	Geologiya fanlari	Davlat geologiya qo'mitasi
----	------------------------------------	--	---------------------	-------------------	----------------------------